



Inatsisartunut ilaasortaq  
Vivian Motzfeldt  
Siumut

### Asasara Vivian Motzfeldt

Naalakkersuisut meeqqat atuarfiat pillugu apequtigisannut qujapput.

#### 1) Meeqqat atuarfiat pillugu peqqussut kommuninit atuutsinneqarnera Naalakkersuisunit qanoq nakkutigineqarpa?

##### Akissut:

Naalakkersuisut Atuarfik pillugu Inatsisartut inatsisaat nr. 15, 3. december 2012-imeersumi § 37, imm. 1 malillugu kommunit inatsisartut inatsisaannik qanoq aqutsinersut nakkutigisussaavaat. Aalajangersakkami imm. 2-mi aalajangersarneqarpoq: "Naalakkersuisut paasissutissanik inatsit una naapertorlugu suliassamik isumaginissaannut pisariaqartutut isigisaminnik kommunalbestyrelse piunaffigisinnaavaat".

Naalakkersuisut nakkutilliusussaaitaanagerat qanoq annertutiginera, qanorlu isikoqarnera Atuarfik pillugu Inatsisartut inatsisaannut nr. 15, 3. december 2012-imeersumut nassuiaatini nassuiaaffigineqarpoq. Tassani erseqqissarneqarpoq:

"Kommunalbestyrelsit paasissutissanik plumasaqarfigineqarsinnaanerannik pinsinnaatitsissut inatsit malillugu Naalakkersuisut pisariaqartumik suliassamik ingerlatsinissaattut isigineqassaaq, tassaallunilu Naalakkersuisut nakkutiginninnerat suliassallu inatsimmi aalajangersakkat malillugit Naalakkersuisut suliassaat allat. Tassaasinnaapput paasissutissat atuarfinni tamanni ukioqassutsit malillugit atuartut amerlassusaat, atuartut immikkut atuartinneqartut amerlassusaat, ilinniartitsisumut ataatsimut atuartut amerlassusaat, takuuk § 35, misilitsernemi misiliinernilu angusat, iliuusissatut pilersaarutit suliarineqarnerat, takuuk § 19 aamma kommunalbestyrelsit atuarfimmik nakkutiginninnerat pillugu paasissutissat.

Ilinniartitsisut eqqarsaatigalugit paasissutissat aamma tassaasinnaapput ilinniartitsisut ilinniagaqarnerat piginnaasaqarnerallu tunngavigalugu meeqqat amerlassusaasa ilinniartitsisunut agguarnerat. Tamanna aamma pissaaq ilinniartitsisunut allanik tunuliaqutilinnut tunngatillugu atuartut amerlassusaannut sanilliullugu ilinniartitsisut ilinniartitsisutut ilinniarsimasut agguarnerannik nalilersuisinnaajumalluni.

Aalajangersagaq piviusuni oktobarip aallaqqaataani nalunaarutini taaneqartartunik suliqaqarnermut nassitsinernullu tunngavittut atorneqartarpoq, taakkulu tassaallutik

21-03-2016  
Suliap nr. 2016-4681  
Allakkat nr. 2304212

Postboks 1029  
3900 Nuuk  
Oqqarasuaat: +299 34 50 00  
Allak : +299 32 20 73  
Email: tkilin@nanoq.gl  
www.nanoq.gl

paasissutissat arlallit tassaasut killiffinni misilitsinnemiit tiimit ilinniartitsisut atugaannut il.il. Siunertaavorli taakku pitsaassutsit pillugit nalunaarusianut atatillugit siunissami suliarineqartassasut, tak. § 49.

Naalackersuisut aammattaaq kommunalbestyrelsit atuarfinnik ataasiakkaanik qanoq nakkutiginninnerannik misissuinissamut periarfissaqassapput."

Tamakkulu pissutigalugit nakkutillineq pingaamertigut periutsit marluk aqutigalugit isumagineqarpoq:

- Meeqqat atuarfiat pillugu paasissutissanik kisitsisinillu katersineq, taakununggalu ilanngullugit 1. oktobarimi nalunaaruteqarnissat, killiffinni angusarineqartut misilitsinnernilu angusarineqartut. Paasissutissat tamakku Naalackersuisut sinnerlugit Ilinniartitaanermut Aqutsisoqarfimmit katersorneqarput.
- Tamanna pisarpoq ajornartorsiutinngortunik Ilinniartitaanermut Naalackersuisoqarfiup nammineerluni imaluunniit atuisut susassaqartulluunniit allat ajornartorsiutitut uparuarsimasaat aqutigalugit ilisimalersimasaanik kommunalbestyrelsimut piunasaqarnikkut.

**2) Qanoq alloriartoqarlunilu suliniuteqartoqartarpa, Meeqqat atuarfiat pillugu peqqussummik atuutsitsineq pillugu isornartunik nassaartoqartillugu?**

**Akissut:**

Meeqqat atuarfiat pillugu inatsimmi aalajangersakkanik eqqortitsinissamut tunngatillugu ajornartorsiutinngorsinnaasunik paasisaartoqarsimappat kommuni suliamut nassuiaaqquneqartussaavoq, inatsillu naapertorlugu ajornartorsiutinngorsimasinnaasunik iluarseeqqullugu piunaffigineqarsinnaalluni. Naalackersuisuttaaq susassaqarfimmut susassaqarfinnulluunniit arlalinnut ajornartorsiorfiuallaartutut isigineqartunut imaluunniit pitsanngortinneqarsinnaasunut ineriartorfiusinnaasunulluunniit maluginiartoqarnissaanik toqqaasinnaapput. Naalackersuisut kommuninut killilersuissallutik periarfissaqanngillat, tamannalu pissutigalugu pissutsit ajornartorsiorfiusut oqaloqatigiinnerit aqutigalugit qaangerniqartarlutik.

**3) Ukiuni kingullerni tallimani Naalackersuisut Meeqqat atuarfiat pillugu Peqqussummik atuutsitsineq pillugu sulianik qassinik isornartorsiuissimappat - suliat kommunillu soriit eqqartorneqarpat? Suut alloriarnerit kinguneqartitsinerillu aallartinneqarsimappat?**

**Akissut:**

Naalackersuisut sulianut atuarfik pillugu inatsimmik kommunit eqqortitsiffiginngisaannut kisitsisitigut paasissutissanik katersineq ajorput. Suliat Ilinniartitaanermut Naalackersuisoqarfimmiit qisuariarfigineqarsimasut assersuutigalugu tassaasinnaapput ilinniartitsisussaataitanermik kommunit eqqortitsinissaat, tamatumani pineqarlutik

meeqqat ilinniartinneqarnissaanut neqeroorutit inatsisitigut pisussaaffiusut eqqortinneqarnersut, tiimit ilinniartitsiffiusussatut tunniunneqartut inatsimmi minnerpaaffissaannik ataassisut, meeqqanut tunngatillugu pinerluttulerinermik inatsimmik unioqqutitsisoqarneranut pasitsaassaarneq, ilinniartitsineq pillugu angajoqqaanniit saaffiginnissutit il.il. Naalackersuisut suliani taamaattuni taaneqareersutut taamaallaat inassutigisinnaavaat suliat inatsimmut naapertuuttunngorlugit suliarineqassasut.

- 4) Ukiuni kingullerni tallimani Naalackersuisut Kommunalbestyrelsinut kommunit peqqussut naapertorlugu suliaminnik ingerlatsinerat pillugu paasisutissanik piunasaqarsimappat?

**Akissut:**

Naalackersuisut sulianut atuarfik pillugu inatsimmik kommunit eqqortitsiffiginngisaannut kisitsisitigut paasisutissanik katersineq ajorput.

- 5) Iltersuutit pisariaqartut il.il., - nalunaarutit kaajallaasitalu il.il., Naalackersuisuniit suliarineqarnikuuppat - taamaaliorluni kommunalbestyrelsinit atuarfeqarfiit naammaginantumik Meeqqat atuarfiat pillugu peqqussut naapertorlugu ingerlatsinissaat qulakkeerumallugu? Suut taava amigaataasimappat?

**Akissut:**

Naalackersuisunit nalilerneqarpoq susassaqaqarfinnut attuumassuteqartunut nalunaarutit pisariaqartinneqartut suliarineqareersimasut. (Naalackersuisulli meeqqat atuarfiat pillugu inatsimmut tunngatillugu kaajallaasitanik kommuninit atorneqartussanik suliaqarsinnaanngillat, tassungalu pissutaavoq meeqqat atuarfiinik ingerlatsineq kommunit kisimiillutik suliaasarimassuk) Assersuutigalugu meeqqat atuarfiini aqutsisuusut ukiut kingullit ingerlaneranni aqutsisutut ilinniarnermik marlunnik moduleqartumut peqataasarsimapput, taakkulu Inerisaavimmiit, IMAK-miit aamma KANUKOKA-miit aqqqissugaapput, ilinniarnermilu meeqqat atuarfiat pillugu inatsisit misissoqqissaarneqarsimallutik. Naalackersuisulli iltersuutit paasisutissaqarfiilluunniit allat aqqutigalugit atuarfik pillugu inatsisini sunik erseqqissaasoqarnissaa pillugu isumassarsianik soqutiginnittuarput.

Inussiarnersumik inuulluaqqusillunga



Nivi Olsen